

Sel Prestuhn
Thomas S. Monson



“El Moulyak”

SIE FAHKWACK LUHLAHLFONGI LUHN MWET PAHLUH

“P uhsrwen pahng lal Christendom,” Prestuhn Thomas S. Monson el fahkwack, lah Jisus luhn acn Nazareth el moulyak liki misac. “Ac ma pwacye ke Moulyak sac sang nuh sin sie ac mwet nuh kwewa mihs lac ma yohk likina ma kuh in kahlwem uh” (Iiye Philippi 4:7).¹

Ke ma itucklac ke ma ten inge, Prestuhn Monson el akacsruhi ke fahkwack luhlhlafongi lal kac ac tarilacna ke Moulyak luhn Mwet Lahngo uh ac fahkwack lah ke srihpen Wen el kuhtanglah misac, tuhlihk nuh kwewa nuhtin Pahpah suc ma tuhkuh nuh facluh fah sifil mou.

Moul tukun Moul fin Facluh

“Nga luhlhlafongi lah wacngihn sie sesr kuh in sramtweack orwaclah fohn se ke ma Kraist el oruh nuh sesr fin acn Gethsemene ah, tuhsruhkh nga tarilacna lwen nuh kwewa ke moul luhk ke kih sackuhnlah luhn iwacalah Lal kacsr uh.

“Ke pacl sahflah sac, El kuh in forlah. Tuhsruhktuh El tiac. El ahluhkwelah ye ma nuh kwewa Elan muh kuh in molwelah ma nuh kwewa. Ke oruh ma ingacn, El acse nuh sesr moul tukun moul in ikoac se inge. El sifil eis kuht ke Puhtatlac se lal Adam ah.

“Ke loaliyacn nguhnihk nohfohn, nga tarilacna Sel. El luti kuht ohiyacn mou. El luti kuht ohiyacn misac. El karihngihn molwelah lasr.”²

Kuhnahoslah Lohsr luhn Misac

“Ke kain ohiyac uh, oacna ke kweok ac mas upac uh, misac uh tuhkuh oacna sie lihpufacn luhn pahkomuhta. Tuhsruhkh nuh ke ip yohk se emet an, kuht nuhnkuh kac oacna sie mwe lokoalok ke engan luhn mwet uh.

“Lohsr ke misac uh kuh in kuhnausyucklac ke kahlwem luhn ma pwacye fwackyak uh. ‘Nga pa moulyak, ac mou,’ Mwet Kol Fuhl wact el fahk. ‘El suc luhlhlafongi yuc, finne el misac, el fah srwackna mou: Ac el suc mou ac luhlhlafongi in nga fah tiacna misac.’

“Mwe ahkpwacye se inge—ahok, finne ahkkweye-yucklac muhtahl—ke mou ye kuclyuck uh kuh in sang wo mihs ma uliyuckme sin Mwet Lahngo ke El ahkkweye nuh sin mwet tuhma lutlut Lal ah: ‘Nga fihliyac mihs yuruwos, mihs luhk nga usot nuh suwos: tiac oacna ke facluh usot, tuh ke nga usot nuh suwos uh. Tiac lwelah insiyowos in elyah, kuh tiac lwelah in sahngweng.’”³

El Wacngihn Inge

“Mwet Lahngo lasr el sifil mou. Sie ma wolacna, fokoko, ac sifil ahkkweye emet ke ma mahtuh luhn mwet uh oreklac—kuhtanglah liki misac. Ngal ac kweok fin acn Gethsemene ac Calvary iyucklac. Molwelah luhn mwet uh ahkohnkohnuh wo. Puhtatlac lal Adam fohlohkihnyuckme.

“Kuclyuck oalal se ke lututacng in Istuh sac pa top

nuh ke kihsen siyuck lal Job ah, 'Fin sie mwet misac, yac el fah sifil mou?' Nuh sin mwet nuh kwewa ma kuh in lohng puhsrwek, nga fahkwack, Fin sie mwet misac, el fah sifil mou. Kuht etuh, tuh kuht fah eis kahlwem ke ma pwacye fwackyak uh. . . .

"Tamuhlwel ac tahmtahel sacohk wiyuck, ke ao in ahsor loal lasr, kuht kuh in eis mihs yohk ke kaks luhn lihpufacn ke lututacng in Istuh sac: 'El wacngihn inge: tuh el moulyak.'"4

Mwet Nuh Kwewa Fah Sifil Mou

"Kuht isrwacs, kuht tuhng, kuht orekma, kuht sritacl, kuht luhngse, kuht mou. Na kuht ac misac. . . .

"Na kuht fah misac na tuhsruhke ke sie Mwet ac misin Lal, finne Jisus luhn Nazareth. . . .

"Ke insiyuck nohfohn ac luhpan puhla luhn nguhnihk, nga sruhwack puhsrwek ke fahkwack luhlahlfongi oacna sie mwe lohoh ac fahkwack lah God el mou. Jisus Wen Nahtuhl, Kuloh Sefanna nuhtin Pahpah ke ikoac. El Mwet in Molwelah lasr; El pa Mwet in Nuhnkuh se yurin Pahpah. El pa misac fin sahksin soko in iwaclah ma koluk lasr ah. El pa fahko se emet ke Moulyak se. Ke srihpen El misac ah, mwet nuh kwewa fah sifil mou."5

Mwe Lohoh Se La Sifacna

"Nga fahkwack mwe lohoh luhk sifacna lah misac kuhtangyucklac, kuhtanglah kucluyck uh oreklac. Lwe-lah kaks uh in ahkmuhtahlyeyuck sin El suc ahkfalye-lah in eklac mwe etweyuck pwacye nuh sin mwet nuh kwewa. Esamuhlos. Luhngse elos. Ahkfuhlwactyacos. El moulyak."6

MWE KAHSRUH

1. "He Is Risen," *Liahona*, Eprel 2003, 7.
2. "At Parting," *Liahona*, Mei 2011, 114.
3. "Now Is the Time," *Liahona*, Jacnweri 2002, 68; liye pac Jon 11:252-6; 14:27.
4. "He Is Risen," *Liahona*, Mei 2010, 89, 90; liye pac Job 14:14; Mattu 28:6.
5. "I Know That My Redeemer Lives!" *Liahona*, Mei 2007, 24, 25.
6. *Liahona*, Eprel 2003, 7.

LUTI KE PWENG SE INGE

Tukun akacsruhi ke pohloh kaks ke pweng sel Pres-tuhn Monson an, liye fahkwack luhlahlfongi ma el oruh ke kalmac pwacye luhn Istuh uh. Kowos kuh in siyuck sin mwet ke sucu an kihsen siyuck ten inge: "Meac kal-meyac nuh suwos ke sie mwet pahluh mou el fahkwack ke ma pwacye mihsenge uh? Kowos kuh in kapsra ma

ingacn fuhkah nuh ke mou lowos an?" Nuhnkuh in oruh fahkwack luhlahlfongi lowos an.

MWET FUHSR

Nga Ac Fah Sifil Liyaci

Sel Morgan Webecke

Pahpah el orwaclah kais sie sesr tuhlihk uh in puhla yohk srihpac. El luhngse kuht ac fihsrwacs in nuhnak muh-nahs nuh sesr. El oruh kuhiyac nohfohn in liye ahkwoyac lah kais sie sesr engan, ac el orwaclah in kahlwem lah el kena ma wo emet nuh sesr. Nga luhngse el na pwacye.

Ke nga kuhlahs ohnkoahr ah, pahpah tuhmuhk ah misac ke sie ongaiyac ke stosah. Nga ac sucu luhk ah welac na upac. Oasr oalallah na yohk se ke sucu lasr ah. Pahpah pa mwet ma nga luhlahlfongi, mwet se ma nga som nuh yohroh ke oasr elyah luhk uh. Sahyacn sukoc kahsr, nga lwelah ahngyahng ac ngal in oan na. Na nga sulaclah ke sahflahiyac ah lah koluk luhn God. Nga tui tilac riti ma suhmuhlah nuhtihk ah ac oruh pruhe uh. Nga som nuh ke alu ah ke na srihpen Ninac el ke nga in wi. Nga srihke in muhta loeslac liki Pahpah tuhmuhk Inkuhsrao.

Na nga som nuh ke kacm luhn Muhtwacn Fuhsr ah ke pac se emet. Nga luhngse ohsun nuh sin kawuck sasuc, tuhsruhke nga srwackna tiac riti ma suhmuhlah nuhtihk uh. Ke fong sahflah sac, kuht oruh sie miting in fahkwack luhlahlfongi se. Nga puhla sie ma ma nga tiac puhla ke pac na loeloes: Nguhn. Nga yuckihn tuhlihk muhtwacn ma tuyak ac fahkwack luhlahlfongi lalos ah, tuhsruhke nga muhta na ke srihpen nga nuhnkuh muh wacngihn luhk. Kihntin pac ah na nga puhla lah nga enenuh in tuyak. Nga ikacslah inwaclihk, nuhnkuh lah meac ngwac fahk uh. Na nga fahk lah nga tarilacna ke kacm luhn Muhtwacn Fuhsr uh. Na nga sifacna acsmaklac in fahk lah nga etuh lah Jisus Kraist el misac keik ac lah Pahpah tuhmuhk Inkuhsrao el luhngse nga ac lah Alu uh pwacye.

Nga sesseslah ke sie mihs na pihsrlac. Kuloh ke puh-lakihn se inge lah nga kuh in fahk lah nga etuh lah ngwac fah sifil liye pahpah tuhmuhk ah ke srihpen Iwaclah ac Moulyak luhn Mwet Lahngo.

© 2012 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kaks English: 6/11. Ahkkweyeyucklac ke lweng: 6/11. Lwenglah luhn *First Presidency Message, April 2012*. Kosraean. 10364 868



Luhlalfongi, Sucu, Kahsrüh

Luhngse, Karihngihn, ac Ahkkweye

Lutlutkihn kuhfa inge, ac ke pacl fal, sramsramkihn yurin tahmtahel ma kowos muhtwacta nuh yohroh an. Orekmakihn kihsen siyuck an in kahsrwe kowos ahkkweye tahmtahel wiyowos an ac in orwacrah ip fokoko se ke U luhn Muhtwacn in Kahsrüh ke moul lowos sifacna an.

Oacna Mwet Lahngo, mwet forfor luti an luti kais sie (liye 3 Nephi 11:15). Kuht etuh lah kuht orwacrah wo ke luti lasr oacna mwet forfor luti uh ke tahmtahel wiyacsr uh kuh in fahk: (1) mwet forfor luti luhk ah kahsrweyuc in kapwack ke ip luhn nguhn; (2) nga etuh lah mwet forfor luti luhk ah nuhnkuh yohk keik ac sucu luhk uh; ac (3) fin oasr elyah luhk, nga etuh lah mwet forfor luti luhk uh fah mukwilac sah-yacn in tuhpan in siyuckyuck.¹

Kuht mwet forfor luti uh ac luhngse, karihngihn, ac ahkkweye sie tahmtahel fuhkah? Ma ten inge pa ma tohuyak yuc sukokyak ke sapta 7 ke *Daughters in My Kingdom: The History and Work of Relief Society* in kahsrüh mwet forfor luti an in luti tahmtahel wiyaclos an:

- Pruhe lwen nuh kwewa kacal ac sucu lal an.
- Suk kahlwem in etuh kacal ac sucu lal an.
- Muhtwacta nuh yohrohl in etuh lah el fuhkah ac in ahkwoyacl ac ahkkweyacl.
- Oruh in fusos in ohsun ke muhtwacta, pahng ke tacluhfon, lwacta, e-mail, sramsram ke text, ac mukwikwi in kuhlwcacng fihswacsr an.
- Pwacngohk nuh sel ke miting luhn Alu an.
- Kahsrwel ke oasr elyah, mas, kuh enenuh silahklahk sahyac lal an.

- Luti nuh sel wosasuc ke ma suhmuhslah uh ac Pweng ke Forfor Luti uh.
- Moklwacal in orwacrah sie mwe srihkasrak wowo.
- Ripohrt nuh sin sie mwet kol ke U luhn Muhtwacn in Kahsrüh an ke kuhlwcacnsap lalos ac ohiyacn ip luhn nguhn ac kuh in mahno-luhn tahmtahel sacn.

Ke Sramsram Mahtuh Lasr

“Forfor luti uh oruh soko mwe kahsrühr nuh sin muhtwacn Luhlalfongi ke Lwen-sahflah fin facluh nohfohn in luhngse, tuhfaflah, ac kuhlwcacnsap—in ‘mukwikwi oacna nuh ke pahkomuhta ma God el yukwiyac lun insiyacsr,’ oacna ke Joseph Smith el luti ah.”²

Sie tahmtahel suc tuhfaflah katin-maslac fahk ke mwet forfor luti lal ah: “Elos lohng. Elos ahkwoyeyuc. Elos wiyuc tuhng. Ac elos sruokyuc. . . . [Elos] kahsrweyuclac ke ahsor ac puhla tiac wo yohk ke mahlwem muhkahimtacl ekahsr emet ah.”³

Kahsrüh ke mukwikwi in mahno uh pa sie pac ohiyac ke luti uh. Ke toeni luhlalhp ke Ohktohpä 1856 ah, Prestuhn Brigham Young el ahk-kahlwemye lah handcart pioneer ah muhsahlah ke loaliyacn snow ah ke lusacn mael 270–370 (435–595 km). El pahng nuh sin Mwet Luhlalfongi ke Lwen-sahflah fin acn Salt Lake in kahsrweloslac ac in “wi na ke ma kuht pahngon ma luhn mahno uh.”⁴

Lucy Meserve Smith el suhmuhslah lah muhtwacn ah eslah sikuct ac stakin fucsr fucsr lalos ah lun lohm in alu sac ac orwacni nuh lun soko mwe wiwac in suhpwacrah nuh yurin pioneer mihsrihsr ah. Na elos orwacni mwe oan ac nuknuk nuh selos suc tuhfaflah tuhkuh use ma puh lalos. Ke u in utuck kuhfa ah fihli ac, lohm se ke acn sacn “sesseslah ke mongo kuh mwe kahsrüh nuh selos.”⁵

MWE KAHSRÜH

1. Liye Julie B. Beck, “What I Hope My Granddaughters (and Grandsons) Will Understand about Relief Society,” *Liahona*, Nohfohpä 2011, 113.
2. *Daughters in My Kingdom: The History and Work of Relief Society* (2011), 112.
3. *Daughters in My Kingdom*, 119–20.
4. Brigham Young, “Remarks,” *Deseret News*, Ohktohpä 15, 1856, 252.
5. Liye *Daughters in My Kingdom*, 36–37.

Ke Ma Suhmuhsalah uh

Luk 10:38–39; 3 Nephi 11:23–26; 27:21

Meac Nga Kuh In Oruh Uh?

1. Ngwac etuh fuhkah ma tahmtahel wiyuck uh enenuh uh?
2. Tahmtahel wiyuck ah ac etuh fuhkah lah nga nuhnkuh yohk kacitahl?

Nuh ke kuntuh pac ma in etuh, som nuh ke www.reliefsociety.lds.org.

© 2012 sel Intellectual Reserve, Inc. Kuh ac suwos nuh kwewa fihliyuclac. Sihmlac fin acn USA. Ahkkweyeyucklac ke kahs English: 6/11. Ahkkweyeyucklac ke lweng: 6/11. Lwenglah luhn *Visiting Teaching Message, April 2012*. Kosraean. 10364 868